


# CHISTIONIS ASUSU DE SA LIMBA SARDA E DE IS LEZIS A TUTELA DE IS LIMBAS DE MINORIA

Su sardu est una limba o unu dialetu?



Su sardu est una limba cumentu s'italianu etotu, poita tenit règulas suas chi funt diversas de cussas de s'italianu.



S.H.

## Su sardu est una limba o unu dialetu?

Su sardu est una limba ni prus e ni mancu de s'italianu poita tenit una istòria sua e règulas suas. Imparis a s'italianu, su frantzesu, s'ispagnolu, su portoghesu, su ladinu e su rumenu est una limba chi benit de su latinu e chi s'est ammanniada a sola cun infruèntzias de s'italianu antigu e modernu, de s'ispagnolu e fintzas de su grecu, ma chi at tentu puru infruèntzias de is limbas chi ddui fiant in antis de su latinu cumentu cussa nurachesa (de in ui ndi arribant is fueddus cun is sonus NUR- e GON-) e cussa fenitziu-pùnica

≈ ≈ ≈ ≈

## Ddui est seti una limba sarda o ddui funt medas limbas sardas?


Sa limba sarda est una ma ddui funt unas cantu variedades a segunda sa fueddada de su logu.

Is variedades prus mannas funt su Campidanesu e su Logudoresu, ma aintru de custas ddui funt variedades prus piticheddas chi inserrant zonas de una pariga de biddas. Ddui funt puru tretus, cussus de làcana intra de is duas variedades prus mannas, in ui sa fueddada càmbiat de bidda in bidda.

In Sardigna, in prus de su Sardu e s'Italianu, si fueddant fintzas atras limbas: su catalanu in S'Alighera, su genovesu-tabarchinu in Cabasedda e Carloforti, su tataresu in sa zona de Tàtari e su gadduresu in Gaddura.

Ddui est seti una limba sarda o medas limbas sardas?

Sa limba sarda est una ma ddui funt medas variedades a segunda de sa bidda. E totu is variedades tenint sa pròpiu importàntzia!




S.H.

≈ ≈ ≈ ≈

Ddui funt règulas po iscriri in sardu?

Eya! ddui funt is règulas de sa Limba Sarda Comuna chi podint èssiri manizadas de totu is sardus po si cumprèndi mellus a pari.



S.H.

## Ddui funt règulas po iscriri in sardu?

Dui funt is règulas de sa Limba Sarda Comuna bogadas de sa Regioni Sardigna cun sa Deliberatzioni n° 16 de su 2006, chi podint èssiri manizadas de totu is sardus po si cumprèndi a pari.

Custas règulas pertocant seti s'iscridura, in sa fueddada si podit sighiri a manizai sa variedadi locali.

Sa LSC, mancai apat postu règulas de azudu mannu e apat unificau s'iscridura, at bogau a pizu unas cantu chistionis poita non totu is biddas si reconnoschint in custa manera de iscriri chi, su prus is biddas campidanesas, considerant a tesu de sa variedadi issoru. Duncas iat a èssiri mezus a tenni is règulas de sa LSC cumentu arriferimentu ma tocat a no èssiri tropu chirdinus in su manizu insoru.

